

DECRETO NÚMERO 16002943 DO 20/04/2016

Ilmo. Sr. Don XOSE DANIEL PIÑEIRO VILLARES, Tenente de Alcalde-Delegado da Área de Desenvolvemento Sostible e Persoal do Excmo. Concello de Lugo.

A Xunta de Goberno Local do Concello de Lugo, en sesión ordinaria celebrada o día trece de abril de de dous mil dezaseis, adoptou, entre outros, o acordo número 14/198 de MODIFICACIÓN DAS BASES DO PROCESO SELECTIVO PARA A COBERTURA INTERINA, NOS SUPOSTOS PREVISTOS NO ARTIGO 10 DO REAL DECRETO LEXISLATIVO 5/2015, DE 30 DE OUTUBRO, POLO QUE SE APROBA O TEXTO REFUNDIDO DA LEI DO ESTATUTO BÁSICO DO EMPREGADO PÚBLICO, DE PRAZAS DE TECNICO/A EN XARDIN INFANCIA (aprobadas por Acordo nº 13/81 adoptado pola Xunta de Goberno Local do Concello de Lugo, en sesión ordinaria celebrada o día dezasete de febreiro de dous mil dezaseis e rectificadas por Acordo nº 16/98 adoptado pola Xunta de Goberno Local do Concello de Lugo, en sesión ordinaria celebrada o día vinte e catro de febreiro de dous mil dezaseis).

Esta Concellería, en virtude das atribucións conferidas á Alcaldía e á Xunta de Goberno Local polos artigos 124 e 127 da Lei 7/1985, do 2 de abril, reguladora das bases do réxime Local, así como das delegacións efectuadas polo acordo número 4/455, adoptado pola Xunta de Goberno Local na sesión extraordinaria e urxente celebrada o 7-7-2015, e polo Decreto número 15010037, ditado o 7-12-2015, **RESOLVE:**

Primeiro.- Convoca-lo proceso selectivo para a cobertura interina, nos supostos previstos no artigo 10 do Real Decreto Lexislativo 5/2015, do 30 de outubro, polo que se aproba o Texto Refundido da Lei do Estatuto Básico do Empregado Público, de prazas funcionario/a na categoría de Técnico/a en Xardín de Infancia, de acordo coas seguintes bases:

“1.- OBXECTO DA CONVOCATORIA

Estas bases teñen por obxecto rexer a convocatoria do proceso selectivo para a elaboración dunha lista para a cobertura interina de prazas de funcionario/a na categoría de Técnico/a en Xardín de Infancia, que complementará a lista, vixente na actualidade, a cal fora aprobada polo Decreto número 14008433, do 16/09/2014, dende a que se irá chamando os/as candidatos/as pola orde de puntuación obtida por cada un/unha deles, cando sexa necesario proceder á cobertura interina, nos supostos previstos no artigo 10 do Real decreto lexislativo 5/2015, do 30 de outubro, polo que se aproba o texto refundido da Lei do Estatuto básico do empregado público, de prazas de Técnico/a en Xardín de Infancia. Esta nova lista completará a aprobada polo decreto mencionado de tal xeito que, só cando non haxa candidatos/as nesta, se chamará aos procedentes desta nova convocatoria.

2.- REQUISITOS DOS/AS ASPIRANTES

Os/as aspirantes deberán reunir os requisitos que a continuación se sinalan na data de finalización do prazo de presentación de instancias, tendo en conta que no prazo de corrección de defectos unicamente poderá corrírse o requisito da non-

PERSOAL

MLP/egp

Refª: 16drconvcobinterinaTecnicoXardinInfancia

Asunto: convocatoria proceso selectivo

presentación do DNI, certificado de formación en hixiene alimentaria para manipuladores/as de alimentos, acreditación de ter coñecementos básicos en primeiros auxilios e acreditación da vacinación da rubéola e da titulación esixida.

Para ser admitido/a a esta convocatoria, os/as aspirantes deberán reunir, na data na que finalice o prazo de presentación de instancias, os seguintes requisitos:

a) Ser español/a ou nacional dos demais estados membros da Unión Europea. Así mesmo, poderán participar no proceso selectivo os/as estranxeiros/as que reúnen a condición de cónxuxes de españois ou de nacionais doutros estados membros da Unión Europea, sempre que non estean separados/as de dereito, e os/as seus/súas descendentes e os/as do/as seu/súa cónxuxe menores de 21 anos ou maiores que vivan ás súas expensas.

As mesmas regras aplicaranse, se é o caso, ás persoas incluídas no ámbito de aplicación dos tratados internacionais celebrados pola Comunidade Europea e ratificados por España, nos que sexa de aplicación a libre circulación de traballadores/as.

b) Estar en posesión do título de Técnico en educación infantil ou equivalente (técnico/a especialista-educador/a infantil ou xardín de infancia) ou superior (mestre especialista en educación infantil ou equivalente, técnico/a superior en educación infantil).

c) Estar en posesión do certificado de formación en hixiene alimentaria para manipuladores de alimentos, acreditación de ter coñecementos básicos en primeiros auxilios e acreditación da vacinación da rubéola. (Segundo o disposto no Decreto 329/2005, do 28 de xullo, pola que se regulan os centros de menores e de atención á infancia, nos seus puntos 4c),4d) 4e) e no artigo 20ª do capítulo III que regula os centros de atención á infancia e os seus servizos complementarios, así como no Protocolo da Inspección de Servizos Sociais sobre os centros de atención á infancia da comunidade autónoma de Galicia)

d) Ter cumpridos dezaseis anos e non exceder, se é o caso, da idade máxima de xubilación forzosa.

e) Non ter sido separado/a mediante expediente disciplinario do servizo de calquera das administracións públicas ou dos órganos constitucionais ou estatutarios das comunidades autónomas, nin atoparse en inhabilitación absoluta ou especial para empregos ou cargos públicos por resolución xudicial. No caso de ser nacional doutro Estado, non atoparse inhabilitado/a ou en situación equivalente nin ter sido sometido/a a sanción disciplinaria ou equivalente que impida, no seu Estado, nos mesmos termos o acceso ao emprego público.

f) Non padecer enfermidade ou defecto físico que impida ou menoscabe o normal exercicio da función.

g) Os/as aspirantes que superen o proceso deberán presentar unha certificación negativa do Rexistro Central de delincuentes sexuais, de acordo co disposto no artigo 13 da Lei 26/2015, do 28 de xullo, de modificación do sistema de protección á infancia e á adolescencia.

3.- ÁMBITO DE PUBLICIDADE

O anuncio de convocatoria farase público no Boletín Oficial da Provincia de Lugo.

Os sucesivos anuncios en relación con este proceso publicaranse no Taboleiro de Anuncios do Concello de Lugo.

4.- PRAZOS E REQUISITOS DE FORMA NA PRESENTACIÓN DE INSTANCIAS

Os/as que desexen tomar parte neste proceso deberán facelo constar na instancia que lles será facilitada no Rexistro Xeral do Concello. As instancias dirixiranse a Excm. Sra. Alcaldesa do Excmo. Concello de Lugo, e nelas farase constar expresa e detalladamente ademais dos datos persoais do/a solicitante, que se reúnen todos e cada un dos requisitos esixidos na base 1.

Prazo de presentación: o prazo de presentación de instancias será de dez días naturais, contados a partir do día seguinte á publicación desta convocatoria no Boletín Oficial da Provincia de Lugo. Se o último día coincidise en sábado ou festivo o prazo quedará prorrogado ata o seguinte día hábil inclusive.

Lugar de presentación: a presentación de instancias realizarase no Rexistro Xeral do Concello ou a través da vía establecida no artigo 38 da Lei 30/92, do 26 de novembro, de réxime xurídico das administracións públicas e do procedemento administrativo común.

Documentación que hai que presentar xunto coa instancia. As instancias terán que vir acompañadas dos seguintes documentos:

- a.- Fotocopia compulsada do DNI
- b.- Fotocopia compulsada da titulación esixida.
- c.- Fotocopia compulsada da acreditación de estar en posesión do certificado de formación en hixiene alimentaria para manipuladores de alimentos.
- d.- Fotocopia compulsada da acreditación de ter coñecementos básicos en primeiros auxilios.
- e.- Fotocopia compulsada da acreditación da vacinación da rubéola.
- f.- Fotocopia compulsada de toda a documentación que poida serlle puntuada neste proceso.

5.- SISTEMA DE SELECCIÓN

A1) Realización dun exercicio con dúas probas:

a) Proba 1: consistirá en contestar por escrito un cuestionario composto por 20 preguntas tipo test relativas ao contido das materias enunciadas no ANEXO adxunto. Este cuestionario estará composto por preguntas con tres respostas alternativas, sendo unha delas a correcta. O tempo máximo para a realización deste exercicio é de 30 minutos. Cada pregunta contestada correctamente terá unha puntuación de 0,5 puntos. A mal contestada restará 0,166, puntuando con 0 puntos a deixada en branco.

b) Proba 2: práctica, consistente en realizar un suposto práctico formulado polo tribunal, directamente relacionado co contido do programa e coas funcións propias dun técnico de xardín de infancia.

As dúas probas serían obrigatorias e eliminatorias, debendo acadar unha puntuación mínima de 5 puntos en cada unha delas para a súa superación.

A2) COÑECEMENTO DA LINGUA GALEGA.- Esta proba unicamente será obrigatoria para o persoal aspirante que non acredite o título de perfeccionamento

PERSOAL

MLP/egp

Refª: 16drconvcobinterinaTecnicoXardinInfancia

Asunto: convocatoria proceso selectivo

da lingua galega ou a validación correspondente, ou estar en posesión do Celga 4. O exercicio de galego para os/as aspirantes que deban realizar a proba de coñecemento do idioma galego cualificarase como apto ou non apto. Quen non o supere quedará excluído/a do proceso selectivo.

ANEXO.- Temario

- 1.- O desenvolvemento motor. Leis e fases do desenvolvemento motor. A psicomotricidade. Alteracións e trastornos motores na nena e no neno nos primeiros anos.
- 2.- O desenvolvemento cognitivo. A intelixencia sensoriomotora na infancia. A intervención educativa. Alteracións no desenvolvemento cognitivo da/do menor.
- 3.- A expresión e a comunicación. Importancia e adquisición da linguaxe na infancia. A intervención educativa no caso das linguas en contacto.
- 4.- A expresión xestual e corporal. Etapas. A importancia da linguaxe xestual e corporal nos primeiros anos de vida.
- 5.- O desenvolvemento afectivo. Características da afectividade infantil. O desenvolvemento socioafectivo-emocional no neno e na nena. Trastornos deste desenvolvemento.
- 6.- Ingreso da/o menor en centro infantil. A adaptación. A importancia da relación familia escola.
- 7.- Concepto e natureza do xogo. O xoguete. O/A educador/a e o modelo lúdico. Influencia dos medios de comunicación no xogo e no xoguete.
- 8.- A educación para a saúde. Medio ambiente e saúde. O papel do/a educador/a infantil na educación para a saúde. Os medios de comunicación e a saúde nos/as menores.
- 9.- A alimentación e nutrición infantil. Etapas. Alimentación. Novas tendencias referidas á alimentación. A importancia dos medios de comunicación na alimentación das/os nenas/os. Alteracións alimentarias.
- 10.- A hixiene infantil e o medio. Alteracións relacionadas coa hixiene. O descanso infantil. O sono.
- 11.- Enfermidades infantís. O papel do/a educador/a, da escola e da familia nas enfermidades infantís.
- 12.- Accidentes infantís. Prevención de accidentes na infancia. Primeiros auxilios.
- 13.- A programación da escola infantil de 0 a 3 anos. Elementos da programación.
- 14.- Avaliación na educación infantil de 0 a 3 anos. Ámbitos da avaliación. Instrumentos de observación. Documentos de avaliación no centro ou escola.
- 15.- Diversidade educativa. Necesidades educativas especiais. Adaptacións curriculares. Novas tecnoloxías para a atención na diversidade. Normativa legal.

B) Baremo de méritos:

Non terá carácter eliminatorio nin poderá terse en conta para superar as probas da fase de oposición. O baremo de méritos fíxase do seguinte xeito: máximo 6 puntos.

a) Experiencia profesional: por cada mes completo de servizos prestados en administracións públicas na categoría de Técnico/a en Xardín de Infancia, 0,15 puntos ata un máximo de 4 puntos.

Os servizos deberán acreditarse coa presentación de certificación de empresa por un lado, xuntamente co contrato de traballo ou nomeamento, se é o caso.

PERSOAL

MLP/egp

Refª: 16drconvcobinterinaTecnicoXardinInfancia

Asunto: convocatoria proceso selectivo

b) Formación:

Por cursos de formación, expedidos ou homologados por organismos oficiais, directamente relacionados coas funcións propias da praza convocada, nos que se expediran diploma, certificación de asistencia ou, se é o caso, de aproveitamento ata un máximo de 2 puntos de conformidade cos seguintes criterios:

- Ata 14 horas de duración 0,10 puntos.
- De 15 a 24 horas de duración 0,20 puntos
- De 25 a 39 horas de duración 0,40 puntos
- De 40 a 59 horas de duración 0,60 puntos
- De 60 a 79 horas de duración 0,80 puntos
- De 80 a 100 horas de duración 1 punto
- De 101 ou mais horas de duración 1,15 puntos

O puntuación final do proceso selectivo será a resultante da suma das puntuacións obtidas nas probas teórica e práctica superadas coa suma das puntuacións obtidas na fase de concurso.

De producirse empate na puntuación, a orde de desempate será a seguinte:

- 1) Puntuación pola orde dos parágrafos anteriores
- 2) Solicitante de maior idade.

En todos os casos será requisito imprescindible a copia compulsada dos documentos que acrediten os méritos que alega a persoa aspirante.

Unha vez rematado o prazo de presentación de instancias, unicamente poderán corrixir os requisitos indispensables para participar no proceso selectivo, pero non os que voluntariamente achegue o/a aspirante, e que queira presentar para ser tidos en conta na fase de concurso. A presentación da documentación acreditativa dos méritos que se aleguen para o baremo de méritos, deberá facerse dentro do prazo de presentación de instancias, sen que sexa admisible a súa presentación dentro do prazo de emendas.

6.- TRIBUNAL CUALIFICADOR

O tribunal cualificador estará constituído polos seguintes membros:

Presidenta:

- Dona Amparo Rubinos Hermida, Técnica Media de Xestión (Xefa da Sección de Estatística e Cemiterio) do Concello de Lugo.

Suplente: D.^a Carmen M.^a Torre Abuín, Técnico de Xestión do Concello de Lugo.

Vogais:

- D.^a M.^a Eugenia Fernández Touzón, Directora da Escola Infantil Municipal Serra de Outes do Concello de Lugo.

Suplente: D.^a M.^a José Pena Lage, Orientadora Laboral do Concello de Lugo.

- D.^a Marta Jesús Otero López, Directora da Escola Infantil Municipal Gregorio Sanz do Concello de Lugo.

Suplente: D.^a M.^a Lidia Platas Ferreiro, Psicopedagoga do Concello de Lugo.

- D. Francisco Javier Fernández Eiros, Animador Sociocultural do Concello de Lugo.

PERSOAL

MLP/egp

Refª: 16drconvcobinterinaTecnicoXardinInfancia

Asunto: convocatoria proceso selectivo

Suplente: D.^a Consuelo Rodríguez Bao, Animadora Sociocultural do Concello de Lugo.

Secretaria:

- D.^a María García Ferro, Vicesecretaria do Concello de Lugo.

Suplente: D.^a Carolina Álvarez López, Técnica de Xestión do Concello de Lugo.”

Segundo.- Que se proceda a súa publicación na forma legalmente establecida, facéndose saber que esta resolución pon fin á vía administrativa e contra ela caberá interpoñer recurso contencioso-administrativo, no prazo de DOUS MESES, contados a partir do día seguinte ó da súa notificación, ante o Xulgado do Contencioso Administrativo de Lugo ou, á elección do interesado, ante o da circunscrición onde teña o seu domicilio. Malia o anterior, e con carácter previo e potestativo, poderá interpoñer recurso de reposición, no prazo de UN MES, contado dende o seguinte á notificación da presente resolución, sen prexuízo de que vostede interpoña calquer outro recurso que estime procedente en Dereito.

Cúmprase.